

مشي الدروب إلى الوالي علامة
شكل نور ايتباين في جبينه
إلى المؤمن في عرصات القيامة
لجن قبله أبو الأكبر سلامة

قـلـادـة
ولادة
من كربلا تكون
الكل الأيزورون

عظيمة الخطوة للبقعة العظيمة
وإذا حاطتها آيات الشهادة
وزيارة تجبر أرواح اليتيمة
ودروس العزة والروح الحكيمة

زيارة
زيارة
وثورة عجيبة
وتصنع كتيبة

هذا درب الفدا والثورة الأبية
ماشى لحسين ابغزيمة وأمشي للحق
ونصره للإسلام وأهله عاشرية
وانصر المظلوم ضد الأموية

شاهد العشاق في درب الشهادة
من دما حمدان والساري علامة
انولد من كربلا عشق القيادة
او من العصفور والعكري ولادة

انهلوا من كربلا طبع الفداء
افتدوا هالدين ويا العلماء
انكرو القائد أمانة بالدعاء

انكروا كل مضطهد
بالظلم عتًا ابتعد

المشي لحسين ثورة وجهاد
تصنع الثوار في كل البلاد
كربلا الكل ثاير تقدم مداد

قافلات العاشقين
من منارات الحسين

اجيتك خويه ما تنهض إليه
عباتي انار وتراب وشماته
تشوف أصار من بعدك عليه
دگوم أشرح لك فصول الأذية

سبونه
ولونه
خويه ابذهابك
خويه ابغيايبك

((بقيت امحيره وأصفج بليدين
أنشد كل نسيم يمر ولتراب
لا عباس يبرالي ولا حسين))
خويه هالحجي قلته بلونين

اجيتك
رجيتك
حاشي أعوفك
خاني أشوفك

كل أخت عندها ألم ترجع لاخوها
وين أخبرك گلي خويه وين أشوفك
ترتمي باحضانه وتخبره ولوها
ابخلافك والله أختك هم حچوها

ما نسيك خويه دوم أنته اعلى بالي
شلون أنا أنساك وشفيت الصار بالعين
ما غبت عني ترى والله يغالي
بس أريدك خويه وين ها سوالي

لو تشوف اشلون بالكوفه چنت
خويه لو بالشام وابهالي نحت
دخّلونا اعلى الدعي خويه وصحت

وحق أبويه حيدرة
علمتهم بالجرى

وجيتك امن السبي يا ضي العيون
قوم وامسح فوق قلبي يا الحنون
يا بعد كل اللي يرّحون ويجون

جيتك بروحي سهم
قوم وامسح عالأم